



Inatsisartunut ilaasortaq Knud Kristiansen, Atassut
Inatsisartunut ilaasortaq,
Maani/

§ 37 naapertorlugu apeqqummut nr. 150-2017-imut akissut

Ulloq: 13.06.2017
Suliap normua: 2017-12296
Akt nr.: 5595798

Inatsisartut suleriaasianni § 37, imm. 1 malillugu aalisakkanut tunisassiorfiit tunitsiviillu pillugit Naalakkersuisunut apeqquteqarputit. Apeqqut uanga suliassaqaqfigisannit akineqartussanngorlugu innersuunneqarpoq.

Postboks
269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqutigisannut akissuteqarnissamut APN Royal Greenlandip pilersaarutaanik pissarsiniarsimavoq. Royal Greenlandip akissutai apeqqutip siulliup akissutitani atuarneqarsinnaapput.

Apeqqut:

1. Royal Greenland sumiiffinni illoqarfinni nunaqarfinnilu tunitsiviit, toqqorsiviit annertusarnissaannut nutarsarnissaannullu qanoq pilersaaruteqarpa?

Akissut. Royal Greenlandip illoqarfinni nunaqarfinnilu tunitsiviit toqqorsiviillu ingerlaavartumik annertusarlugillu nutartertarpai. Pisuussutit uummassusillit nunatsinni najugaqarfinni ataasiakkaani iluaqutigineqartussanngorlugit atorluarnissaat periarfissaqarnersoq nalilersorneqareeraangat naleqqussaanerit ingerlanneqartarput.

Aalisakkerinermut atatillugu sinaakkutitigut atugassarititat aammalu najukkani ataasiakkaanni suliassat annertussusaat aallaavigalugit aningaassaliinissat pingaarnersiorneqartarput. Tunngavissat pingaarutillit makkuusut oqaatigineqarsinnaapput

- Aalisakkat tunisassiarineqarsinnaasut,
- Imminut akilersinnaassuseq,
- Atortulersuutit,
- Sulisussaqaarniarneq.

2. Maannamut suut aalisartitsiviit pioreersut nutaallu tunitsiviliornissanut qinnuteqarpat? Pilersaarutillu sumut killippat?

Akissut Tunisassiorfinnut tunngatillugu ingerlatsinissamut isumaqatigiissutinut atugassat 5 mio. kr.-iusut Inuussutissarsiornermut, Suliffeqarnermut, Niuernermut Nukissuteqarnermullu Naalakkersuisoqarfimmit aqunneqarput. Apeqqutigineqartumut akissuteqarniarnermi naatsorsuutigineqarpoq aningaasaliissutinut taakkununnga qinnuteqarsimasut apeqqutigineqarsimassasut.

Aningaasaliissutinit taakkunanga ingerlateqatigiiffiup naalackersuisoqarfimmik sullissinissamik isumaqatigiissuteqareerneratigut aningaasaliisoqartarpoq. Sullissinissamik isumaqatigiissut aqputigalugu sulisussat amerlassusissaat qanorlu annertutigisumik suliaqartoqassanersoq aalajangersarneqartarpoq.

Naalackersuisoqarfik 2017-imi Asimit ApS-imi 290.000 kr.-inik aningaasartallimmik sullissinissamik isumaqatigiissuteqarpoq. Naalackersuisoqarfik ingerlatseqatigiiffimmit pineqartumit sullissinissamik isumaqatigiissuteqarnissamut 250.000 kr.-inik aningaasartallinnik qinnuteqaammik tigusaqarpoq. Qinnuteqaat pineqartoq massakut suliarineqarpoq.

Naalackersuisoqarfiup ilanngullugu ilisimatitsissutigisinnaavaa aningaasaliissutinit taakkunanga qinnuteqartoqarsinnaanera qinnuteqarnissami piumasaqaatit ilanngullugit Sermitsiaq aamma AG aqputigalugit 2017-imi majip aallartinnerani saqqummiunneqarnikummata.

Inussiarnersumik inuulluaqqusillunga

Karl-Kristian Kruse
Aalisarnermut Piniarnermullu Naalackersuisoq